


 Inter *διδασκαλίας τρόπος* apud Aegy-
 ptios & Græcos non postremus ille fuit, qui in
Symbolis consistebat, in quibus præcipuum posuere
 studium *Pythagoras*, ejusq; discipuli *Philolaus*, *Eurytus*,
Charondas, *Saleucus*, *Brysson*, *Archytas Senior*, *Lysis*, *Em-
 pedocles*, *Zamolxis*, *Epimenides*, *Molon*, *Leucippus*, *Alcma-
 on*, *Hippasius*, *Thymarides*, &c. qui omnes *συμβόλων ἐμφάσεις*, καὶ ἀ-
πορήτης ἐννοίας, symbolorum explanationes, significationes & arca-
 nas notitias, quem quodq; sensum, aut quid in se veritatis haberet,
 detegere & aperire, formamq; orationis ænigmatice & obscure adhibe-
 re, suis postea rebus applicare, imò ad omnes simul virtutes totamque
 vitam extendere, in more positum habebant.

Inter alia verò circumfertur & hoc Pythagoricum: *Δαδίω θᾶκον
 μὴ ἀπόμασσε*. hoc est, *faculà thronum sedemve ne expurgato*. Quod sym-
 bolum sibi quid velit, sententiis hinc illinc distracti quaerunt multi.
 Quosdam illud *δαδίον* Pythagoricum de *ὁ Φειγγεία* i. e. splendore seu cla-
 ritate Philosophiæ interpretari videas; sedem verò de *ζωωδία* i. e. cantu
 animalium, quo tamen quid significatum esse censeant, nemo illorum
 explicat: Alii faculam istam *τῆ φυσικῆ ἁπτηδεϊότητι*, naturali habilita-
 ti, aut etiam sapientiæ conferunt: Rursus alii sanctioris illius ac verio-
 ris Philosophiæ, ipsius videlicet Scripturæ Sacræ præcepta per dictā fa-
 cem, intellecta volunt, quippe quæ sint ignis instar, suâ naturâ, *μιασ-
 μῶν ἀποσοβητικά*, prohibentia omnia piacula, scelera, errores, & im-
 puritates: Deniq; sunt, qui Deum ipsum hoc emblemate adumbratum
 esse statuunt. Hoc indubitatum est, ignem apud antiquos semper
 in maximò fuisse honore. In templo Jovis Olympici nocte dieq; ignis as-
 servabatur. In fano quoq; Cereris & Proserpinæ piaculum erat exstingui
 hunc ignem. Ægyptii ut sacrum; Persæ ut Deum præ cæteris colebant,
 eidem alimenta suggerebant, hostica omnia consecrantes illi, ea ut
 devoraret, provincias, urbes, simulacra deorum, illum ex Tyrii rela-
 tione, Dominum vocantes: verba Autoris sic habent: *Πέρσαι θύσσει
 πρὸς θεὸν φέροντες αὐτῷ τὴν πυρὸς τροφήν, φιλέγοντες, πῦρ δέσποτα ἐ-
 θε: Igni sacra faciunt Persæ, igni alimentum suppeditant, acclamantes: O
 Domine ignis, Comede! & paulò post, eos refutans: Quem quidem deum non
 lignis tantum pascitis, aut victimis, aut suffitu sacro, sed longè majoribus,
):(2 quippe*